

滿城縣志略卷之七

縣政三

實業

滿境多山風氣素閉居民率以農爲本業崇樸尚儉用度不奢以故物產無多尙能家給人足者拘守舊習也今則生活漸高稍稍講求工商之業又自民國九年設立勸業所提倡實業而工商之外稍稍知有農家副業迄今十數年來雖無大進步而知識較昔開通矣茲據建設局調查各種實業分別叙列如左

工業

軋花 縣內近山之地宜棉產量既多軋花遂爲最大工業昔用舊式軋機力多工少近年均用新式軋機每機日出棉穰七八十斤不等全縣軋機約千餘架製出棉穰年約四千餘萬斤除供本地衣絮自用外多數運往天津爲出口貨大宗

豆粉 製粉原料純用綠豆爲淨粉或攪以玉蜀黍稊梁爲花粉全縣製粉者約有五百餘家產量年約七八十萬斤除本地日用銷售外餘均運銷保定然製粉之家每在農力閒時因其渣滓飼猪肥地無專營此業者以粉業無利可獲也淨粉斤價約銀圓三角花粉價約二角

石灰 縣產灰質甚佳舊時僅石井尉公二處今則岡頭玉山等村均拓窯燒製共有七家年產約六百餘萬斤每百斤價銀

卷七

縣政 實業

圓八角除居民營建自用外餘均運銷保定市

造紙 毛頭紙爲物品包裹之用宋家屯江城北章等村製者頗多其原料以爛麻碎紙廢物化合年產約二千二百餘刀每刀約價銀圓一元七角除本地商號銷售外餘運銷保定市

製油 縣內北宋營高敬尹固等村業此者四十餘戶所製之油以棉子花生兩種爲多皆用木槽榨年產約七十三萬餘斤芝蔴製油無以木槽榨者均用石磨名曰香油供食料年產約五十餘萬斤芝蔴油每斤價銀圓三角二分棉子油每斤價銀圓一角二分花生油每斤價銀圓二角四分除本地少數自用外餘均運銷保定及高陽徐水各縣

卷七

縣政 實業

二

機織 本縣織業始由鄉民自動營作出品甚佳惟資本不充發展維艱民國十七年城內縣立第一工廠每年經費二千三百元此外另有家庭織業率係人力營作無多資本全縣年產寬布約一千二百餘匹毛巾五百餘打線襪二千六百餘打土布三十五萬五千餘丈線料均用洋紗土布用本地紡紗寬布每匹價約銀圓十一元毛巾每打價約銀圓一元八角線襪每打價約銀圓二元五角土布每丈價銀圓一元除本縣少數自用外餘均運銷完縣及保定市

靛染 城鎮各鄉均有染坊供居民需用惟專營是業者多山西人本地業此每不及山西人營業之發展其靛色用德國舶

來品及硫化染料色雖鮮明不若本地靛青之純厚惟自各染坊喜用外靛本地種靛青者幾絕此亦利權外溢之一端也
編織 方上村善編葦席南宋村善編鐵絲各器具鄉民利用之
麥粉 隆源水磨在縣東南賈家莊利用奇村河水力運動磨機出粉年約三十餘萬斤運銷本縣及保定市較其他麥粉每袋價低銀圓一二角

商業

鹽商 總店一家仍沿昔時專賣之制由天津運鹽到縣批發各鄉鎮代銷年約銷額七千餘袋每袋二百四十斤每斤價現

卷七

縣政實業

三

銀圓一角

棉商 營棉業者名曰花店現共九家爲縣內資本最大之商資本約十一萬七千餘元收買各軋坊棉穰榨包運津銷售全年輸出平均約六百四十七萬二千餘斤爲本縣物產出運大宗

宗

酒商 縣境無燒鍋營此業者皆販自徐水縣共四家銷額年約三萬餘斤其他雜貨舖帶賣不在此數

煤商 本縣銷煤以烟煤爲最多京煤次之營此業者共七家資本約一萬三千餘元煤由井陘臨城門頭溝周口店各礦運來全年銷額約四百餘萬斤

藥商 藥材均自安國縣躉來營此業者共十一家資本約二萬餘元銷無定數

布商 全境布商共七家資本約三千餘元其布匹半出本地機織半由高陽輸入雜色外洋之布均由保定躉來銷無定數

雜貨商 全境營雜貨業者共九家資本約四千五百餘元其貨品或係自製或由津埠運來銷無定數

農家副業

畜牧 本縣畜牧以猪爲最多羊次之猪則農人家家畜之利用其糞肥田兼可獲利羊惟近山各村畜之藉糞肥田每年扒鬃剪毛亦可獲利總計全境猪約五萬五千餘頭羊約四千餘

卷七

縣政 實業

四

隻飼鷄亦爲農戶普通獲利之業產卵孵雛極多確數不可調查

林業 本縣無大森林如西北山麓之柿林荊山神星等村之杏林韓家莊一帶之棗林多係果品非專營林業近年各鄉居民均感覺木材缺乏每年曠地種樹甚多苟培植得法經過十餘年後定可獲利也

蠶桑 本縣提倡蠶業歷有年所而究未見發展者一由美利未著鄉民不甚注意二由無成林之桑三由婦女拘守舊法不知選種改良繭絲不佳永安莊尉公大婁等村雖多有飼養又苦於繭絲無法銷售爲今之計亟須籌謀繭絲銷路俾有顯利

可圖則人爭趨之此農家莫大之利也

蜂業 縣內養蜂之家率沿舊法任蜂群之自爲孳息多者不過五六十群每群年取蜜四五十斤不等蜜質甚佳近年自外洋蜂種傳入居民爭購然率以繁殖蜂群轉售獲利不注重釀蜜以致蜂群愈多蜜源愈少本地蜂業大受影響將來有無失敗尙未可知也

倉儲

縣之倉儲有二曰預備倉曰義倉預備倉即古之常平所謂官倉也義倉則由紳民捐穀散貯四鄉官督其成而不親其事有倉正倉副皆以紳耆充之官倉年有報銷義倉民自董理此大較也滿

卷七

縣政 倉儲

五

城預備倉舊志載始於明正統十二年知縣王義勗建據志倉廩十二間額儲穀萬石明末兵荒洊臻空廢久矣清康熙年間知縣裴國楨積穀二百四十石張煥增建倉廩六間是爲清代官倉之始時東撫佛倫奏請畝征四合以貯倉下其法於直省各州縣當時奉行之狀征積之數收放奏銷之冊卷年湮代遠無可查已延至光緒年間知縣郭文翥重建倉廩六間以貯餘穀官倉僅得不廢此官倉之弊也義倉之弊正與官同義倉始於乾隆二十年知縣皮殿選分建義倉八處曰奇村賢台北莊大婁尉公方順高敬賈村未知當時存穀石數而擇殷實老成管理以時收放則未常不善也然歷年交代紳不盡賢有無虧蝕官不負責久則正紳避

而不問而劣者據之由是存穀虛耗侵漁日多光緒年間知縣張主敬洞察其弊乃申請變價生息義倉遂廢其時穀數斗價均不可問歷年相沿僅生息之成本京錢一萬零三百緡而已此義倉之弊也生息本利卷冊向歸戶科管理裁科改組而後由公署存收民國九年成立地方財政所始將成本簿記交歸保管所有歷年息利均歸城防辦學挪用淨盡十三年以後錢價日落改折銀圓發放計成本折作銀圓二千一百四十七元四角四釐縣立師範講習所由縣議會議決准提三釐穀息充作經費其實歷年穀息因師範講習所經費不敷已悉數挪用矣此義倉變價生息之始末情形也官倉變價在民國五年當時收放生息暫由勸學所

卷七

縣政 倉儲

六

經理冊卷九年財政所成立始由勸學所移交保管成本共一千八百三十七元八角二釐即由財政所發紳生息與義倉生息之欸析作兩項嗣經財政所取消移交參事會參事會取消移交今之財務局此官倉變價生息之始末情形也十七年十一月奉令整頓義倉又奉各縣整頓義倉辦法第二條凡舊有倉廩地址業經改建學校者應另行擇地設法籌建第五條凡舊有倉穀業經變價發商生息者應限期提回買穀還倉等語查本縣倉廩舊址已改建兩級女子小學校從新相勘明倫堂前隙地重建倉廩並提回官倉義倉兩項本利共銀圓四千四百三十八圓零三分六釐又募紳捐銀圓一千三百元作買穀資本又設義倉保管委員

會經理採買穀石計共買穀九百二十三石五斗七升計買穀價及蓆包囤脚各雜費共銀圓五千零二十三元零二厘結存餘款仍歸財務局保管此整頓義倉之辦理情形也十八年七月本縣水災奇重查有六十三村需待急賑第一次發放倉穀四百四十三石五斗七升十九年二月第二次發放倉穀三百零五石均定於十九年秋後每斗加五合收回還倉此義倉發放之辦理情形也查本縣義倉預備倉緣起本係不同而變價生息先後亦未一致今已歸併合爲一倉而所貯之穀爲數僅九百餘石設遇凶歉杯水車薪掙如何設法以善其後也茲將倉廩穀石及管理開列於左

卷七

縣政 倉儲

七

一 倉廩十間在明倫堂舊址十八年春改建用費銀圓二千元
一 存穀九百二十三石五斗七升用前預備倉義倉舊本及臨時捐募紳款採買

一 義倉保管委員會規定會員五人至七人由地方各機關推選縣公正士紳充任經理倉儲收放事項

一 看守倉廩夫役一名月工食銀圓八元

謹按倉儲救荒古之所謂仁政也大儒倡其說良吏驚其名如清之李光地請廣積貯方觀承奏設義倉法良意美誰敢議之雖然綜中縣之民少則二十萬口極大縣之倉多則不過萬石設遇荒歉以此少數之積粟賑此多數之飢民不足五日糧耳

况萬石之積有幾何縣此不待識者而知其效矣在昔路政不修交通梗塞移民移粟轉運維艱抑亦慰情勝無之意也今則鐵路四達挹彼注茲朝發夕至故二十世紀以後雖遇偏灾但使運輸流通萬無餓殍溝壑之慘所謂時移勢異者也又况倉儲經理重在得人收放以時概量以準斯則善矣設遇不肖之官紳糠粃屨其中雀鼠耗於外一紙報銷沿爲慣例潔身者不過問愚懦者不敢問此各縣倉儲之所以不可久也夫立法雖善而非得數十善士維持之則不可以久是其法未盡善也群一縣之人安得數十善士而永遠維持一法哉今之倉儲是所厚望於保管委員會矣

卷七

縣政 倉儲

八

養濟

養濟之設出自官府則爲仁愛出自社會則爲慈善君主專制時代官距民遠呼籲有所不聞疾苦有所不覩格於勢也然疲癯殘疾期得所養美言小惠未嘗不偶一行之特其所救濟者甚微無補於林總之勞獨耳民國成立仁愛之政漸由官府而移之社會社會道德發展而慈善事業尤爲人所注視而樂道之况吾縣之所固有者詎可略而不紀歟茲檢舊志檔冊得二事焉爰述其顛末情形後之君子以爲先河之導焉可也或以爲餼羊之遺焉亦可也

孤貧口糧 查賦役全書滿城孤貧四十七名口冬衣布花銀一

十三兩八分二厘月糧銀一百六十九兩二錢自乾隆三年以後未經裁革歷任均照數留支按名發給雖發不足數而孤貧稍資沾潤清末花布銀已不發給僅月發口糧照例留支月糧銀十四兩一錢民國以來正雜各款悉數提解此項改從行政活支項下報銷雖照額銀開報而孤貧所得僅月給銅元四十二枚而已十八年奉令改由地方款開支財務局按月照撥縣政府銅元一千九百七十四枚轉發

留養局 清乾隆二十年知縣皮殿選創設方順橋一處縣城北關一處擇紳耆經理其經費之所由來已年代久遠無檔卷可查然迭經改革而此留養基金猶能保存無失者幸也計留養

卷七

縣政 養濟

九

局共成本銀二百九十九兩九錢九分九厘八毫七絲九龍泉成本銀二百九十九兩九錢九分九厘八毫七絲京錢九百九十九千九百九十九文現由財務局發商生息每年收銀息一百十元錢息一百四十二緡又留養局地租錢二千八百七十四文冬季由縣政府令公安局提取息款租款辦理粥廠第一區分局辦理北關粥廠第四區分局辦理方順橋粥廠款盡而止由公安局開報縣政府存案備查現已將粥廠改稱爲救濟院

金融

滿境偏僻無滙兌銀行巨商大賈通行錢幣均用現銀圓除民國

鑄造銀圓一律行使外舊日北洋造造幣廠大清銀幣等均與民國銀圓無異惟機器造價格稍低每元差銅幣四五枚不等他省銀圓不多見亦不適用如外國鷹洋人洋幾絕迹矣鈔券惟中國銀行交通銀行兩種城內商號稍可通融鄉鎮集市不能行使完納夏秋兩稅均以現銀圓爲主內外找補用銅幣每日征收處公布價格民國十八年冬月每元兌換銅幣四百四十枚係價格最高之數十九年春月即漸低落兌換銅幣三百八九十枚近日兌換銅幣四百枚上下無大差也城內及各集鎮無專營兌換商戶其兌換行情均係彼此交易找補雜貨舖偶有兌換亦屬臨時通融其詳數不可調查

卷七

縣政 金融 治安

十

治安

滿城民情樸實多畏蕙號稱易治連年苦兵家不自保群謀自衛之方各區於警察外均添設保衛團人數多寡由各區之情勢需要而定某區團丁即由某區購槍籌餉附之分局歸巡官督帶藉以輔警力之所不及故有利無弊近年奉令各村鎮同設鄉團大村三十名次村二十名或十名不等通夜梭巡類似更夫惟槍枝缺乏冬季設置農忙則止地方治安仍責之各區警團防衛出力未發生重大案件即間有一二綁案均係接近鄰封村莊又皆限期破獲故地方安謐土匪遠颺人民尚不驚恐云